



CONCELLO DE  
PONTEVEDRA

GABINETE DA ALCALDÍA  
APOG/SOF

Nº EXPEDIENTE: 2018/SUBDIREC/000009

**CONVENIO DE COLABORACIÓN ENTRE O CONCELLO DE PONTEVEDRA E A ASOCIACIÓN CULTURAL AULA CASTELAO DE FILOSOFÍA POLA ORGANIZACIÓN DA "XXXV SEMANA GALEGA DE FILOSOFÍA: FILOSOFÍA E O COMÚN"**

No Concello de Pontevedra, a 27/03/2018

**REUNIDOS:**

Dunha parte D. Miguel Anxo Fernández Lores, alcalde-presidente do Concello de Pontevedra, no exercicio das atribucións conferidas pola lexislación do réxime e da administración local.

E doutra parte D<sup>a</sup> Ana Ruth Regueira García (NIF ██████████), actuando en nome e representación da asociación cultural Aula Castelao de Filosofía (CIF G36033660) como presidenta.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio e, a tal efecto,

**EXPOÑEN:**

I. A asociación cultural Aula Castelao de Filosofía foi constituída sen ánimo de lucro, segundo resulta dos seus estatutos, sendo os seus principais fins a divulgación da filosofía e o pensamento en xeral, fomentar a investigación desta materia, a mellora cualitativa do ensino, normalizar o uso da lingua galega neste eido, o pensamento e a acción social. Entre as súas actividades destaca, dende o ano 1983, a organización e celebración anual na cidade de Pontevedra dos congresos internacionais Semanas Galegas de Filosofía. Esta edición, na que intervirán prestixiosos poñentes e relatores, terá lugar no Teatro Principal de Pontevedra, con varios centos de inscristos gratuitamente e os seus destinatarios directos serán unhas 1.500 persoas.

II. Os estatutos da devandita asociación foron visados e atópase inscrita, co número 1612, no Rexistro Provincial de Asociacións sen Ánimo de Lucro; e, co número 225, no Rexistro Municipal de Asociacións.

III. Os artigos 25 da Lei 7/1985, de 2 de abril, reguladora das bases de réxime local e 80 da Lei 5/1997, do 22 de xullo, de administración local de Galicia establecen que o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal, exercendo en todo caso como competencias propias, nos termos da lexislación do Estado e das Comunidades Autónomas, nas materias de promoción da cultura e na de ocupación do tempo libre; subliñando tamén que o fomento e o acceso á cultura é unha competencia concorrente e unha obriga de todos os poderes públicos, segundo se desprende dos artigos 44 e 149.2 da Constitución española de 1978.

IV. Con 35 anos de celebración a Semana Galega de Filosofía está consolidada como un evento de importante influencia académica no noso contorno territorial e mesmo estatal, achegando a filosofía e o pensamento a todo aquel interesado en completar a súa formación. Este ano desenvólvese a XXXV edición do citado evento cultural, o que demostra a súa indubidable consolidación. Para tal fin, o Concello de Pontevedra compromete anualmente, nos seus orzamentos ordinarios, unha partida ou aplicación orzamentaria para asumir unha parte dos gastos que ocasiona o ciclo de conferencias e seminarios da Semana Galega de Filosofía.

V. A asociación cultural Aula Castelao de Filosofía organiza en exclusiva a actividade cultural que se



CONCELLO DE  
PONTEVEDRA

GABINETE DA ALCALDÍA  
APOG/SOF

subvenciona e que constitúe o obxecto do presente convenio, o que imposibilita a concorrencia con outras entidades culturais.

A tal fin, no marco das competencias municipais subliñadas en materia de fomento da cultura, determinadas nas Leis 7/1985 e 5/1997, este Concello preveu no seu Orzamento Xeral para 2018 a aplicación orzamentaria necesaria para colaborar na organización do citado evento.

A celebración en Pontevedra da Semana Galega de Filosofía é xa unha tradición considerada de grande interese público para o noso municipio, por ser o único congreso de filosofía que a nivel internacional se celebra en toda Galicia, coa participación de prestixiosos poñentes e relatores que conta con centos de inscritos gratuitamente, aínda que se estima que ten unha participación de arredor de 1.500 persoas. Por tales motivos o Concello colaborará financiando ata o 70% do importe do gasto total da actividade subvencionada, co límite de 17.117,50 €, coa finalidade de garantir a súa continuidade. A importante repercusión e difusión da Semana Galega de Filosofía e o elevado número de participantes e espectadores xustifican a excepcionalidade esixida pola Ordenanza de subvencións do Concello en canto á porcentaxe da subvención a outorgar.

VI. O convenio de colaboración resulta o instrumento xurídico habitual para canalizar as subvencións tramitadas polo procedemento de concesión directa, consonte co establecido na vixente Ordenanza xeral municipal de subvencións, que foi aprobada polo Pleno da Corporación na sesión do 17/09/2004 (BOP nº 190 do 30/09/2004) e baixo a vixencia da Lei 38/2003, de 17 de novembro, xeral de subvencións e do Regulamento que desenvolve a anterior, aprobado polo Real decreto 887/2006, de 17 de novembro.

VII. Unha vez incluído no presente Orzamento o outorgamento daquela achega directa á referida asociación cultural, a xustificación posterior recollerá, para o abono do importe económico, todas as prescricións sinaladas encamiñadas ao debido control e aplicación dos fondos públicos.

En base a canto antecede, as partes intervinientes acordan celebrar o presente CONVENIO DE COLABORACIÓN ENTRE O CONCELLO DE PONTEVEDRA E A ASOCIACIÓN CULTURAL AULA CASTELAO DE FILOSOFÍA POLA ORGANIZACIÓN DA "XXXV SEMANA GALEGA DE FILOSOFÍA: FILOSOFÍA E O COMÚN", que se rexerá con suxeición ás seguintes **CLÁUSULAS**:

**PRIMEIRA.- OBXECTO**

É obxecto deste convenio establecer as condicións reguladoras da subvención outorgada á asociación cultural Aula Castelao de Filosofía para contribuír aos gastos derivados da celebración no ano 2018 da "XXXV Semana Galega de Filosofía: Filosofía e o Común", que terá lugar na cidade de Pontevedra.

A subvención outorgase de conformidade coas disposicións da Lei 38/2003, de 17 de novembro, xeral de subvencións, do Real decreto 887/2006, Lei 9/2007, do 13 de xuño, de subvencións de Galicia e da Ordenanza xeral de subvencións do Concello de Pontevedra e os seus Organismos Autónomos, aprobada polo Pleno da corporación municipal na sesión do 17/09/2004 (BOP nº 190 do 30/09/2004).

**OBXECTO:**

A promoción da cultura e a ocupación do tempo libre.

**ACTIVIDADE SUBVENCIONADA E PERÍODO DE REALIZACIÓN:**

A actividade subvencionada é a XXXV Semana Galega de Filosofía: Filosofía e o Común.

A actividade descrita deberá terse realizado dentro do período comprendido entre o 2 e o 6 de abril de 2018.



## SEGUNDA.- IMPORTE DA SUBVENCIÓN

O Concello de Pontevedra comprométese a achegar a cantidade de 17.117,50 € para colaborar nos gastos derivados da organización do evento.

O financiamento municipal poderá alcanzar o 70% do custe da actividade, en atención ao especial interese social e económico da actividade subvencionada xustificado no expediente. A colaboración municipal non superará a cantidade indicada dos 17.117,50 €.

A achega municipal efectuarase con cargo á partida do Orzamento Xeral do Concello que se detalla, tendo emitido informe a Intervención Xeral Municipal sobre a existencia de crédito na dita aplicación.

Aplicación	Operación nº	Importe
2018-09-3340-48911	201800015589	17.117,50 €
Total		17.117,50 €

A subvención outorgada polo Concello é compatible con outras axudas, ingresos ou recursos públicos ou privados para a mesma finalidade. Neste caso, na xustificación da subvención deberá de acreditarse o importe, procedencia e aplicacións dos fondos percibidos á actividade subvencionada.

O importe da subvención en ningún caso poderá ser de tal contía que, illadamente ou en concorrencia con subvencións ou axudas doutras administracións públicas ou doutros entes públicos ou privados, supere o custo total da actividade a desenvolver pola beneficiaria.

## TERCEIRA.- OBRIGAS DA BENEFICIARIA

A beneficiaria comprométese a destinar a achega municipal ao desenvolvemento do evento cultural de referencia e destacará en lugar preeminente a colaboración económica ou patrocinio deste Concello, tanto nos libros, folletos, carteis, informacións, material e documentación en xeral, como nos anuncios de difusión das actividades.

A Aula Castelao de Filosofía ten a condición de organizadora e promotora exclusiva da XXXV Semana Galega de Filosofía, limitándose a colaboración do Concello a achega da subvención comprometida, polo que esta administración está eximida de calquera responsabilidade que poida derivarse da realización do evento.

A entidade beneficiaria comprométese a solicitar as autorizacións que, no seu caso, sexan necesarias para o desenvolvemento da actividade, e porá en coñecemento deste Concello as datas e lugares previstos para a súa realización, cando non resulte preciso a obtención de licenza municipal.

A asociación beneficiaria poderá contratar os gastos que sexan necesarios para a realización por si mesma da actividade subvencionada, pero non poderá subcontratar con terceiros a execución total ou parcial da actividade para a que se outorga a subvención.

Ao abeiro do disposto no artigo 31 da Lei 38/2003 xeral de subvencións, cando o importe do gasto subvencionable contratado pola beneficiaria supere a contía de 12.000,00 €, deberán de solicitarse como mínimo tres ofertas de diferentes provedores. A elección entre as ofertas presentadas, que deberán de achegarse no seu caso na xustificación, realizarase conforme a criterios de eficiencia e economía; no caso de elixir a oferta menos vantaxosa dende o punto de vista económico, deberá de xustificarse esta circunstancia expresamente nunha memoria.

De conformidade co artigo 33.3 da Ordenanza de impulso do uso do galego no Concello de Pontevedra, aprobada polo Pleno do Concello o 23/07/2004 (BOP número 231 do 30/11/2004), as publicacións, a cartelería, a publicidade e toda a produción escrita das actividades da asociación



beneficiaria da subvención deberá estar en lingua galega.

#### CUARTA.- POSIBILIDADE DE ANTICIPO

De acordo co establecido no artigo 34.4 da Lei 38/2003 e no artigo 21.5 da Ordenanza de subvencións, autorízase o anticipo do pagamento do 30% da cantidade subvencionada, para financiar gastos inaprazables derivados da organización do evento cultural obxecto deste convenio.

#### QUINTA.- COMPROBACIÓN DA SUBVENCIÓN

Para o seguimento das actuacións previstas e a solución de calquera controversia que xurda en canto á interpretación dos termos do presente convenio, constituírase unha comisión de seguimento integrada polo alcalde ou concelleiro/a no/a que delegue e a presidenta da asociación.

No exercicio das funcións de fiscalización e control do destino dos fondos públicos a entidade beneficiaria facilitará canta información lle sexa requirida polo Tribunal de Cuentas e polo Consello de Contas de Galicia. Neste senso, a súa actuación estará sometida á esixencia de responsabilidade contable nos termos e co alcance que determine, no seu caso, o axuízamento dos anteriores órganos.

#### SEXTA.- GASTO SUBVENCIONABLE

Consideraranse gastos subvencionables aqueles que de maneira indubidable respondan á natureza da actividade subvencionada e se realicen con anterioridade á finalización do período de xustificación. O IVE soportado, que deberá de constar desglosado, será subvencionable cando a beneficiaria non poida deducilo, recuperalo ou compensalo.

Os custes indirectos imputaranse á actividade subvencionada na parte que razoablemente corresponda e na medida en que estean relacionados de maneira indubitada e se realicen no período no que se desenvolva a actividade. Consideraranse custes indirectos os gastos de persoal que non sexa contratado especificamente para levar a cabo os eventos subvencionados; neste caso, deberá de achegarse certificado da beneficiaria relativo ao custe imputado á subvención.

#### SÉTIMA.- XUSTIFICACIÓN DA SUBVENCIÓN

A realización da actividade e a xustificación da subvención terán que realizarse no ano 2018.

O procedemento rematará coa aprobación da conta xustificativa da subvención.

A entidade beneficiaria está obrigada a presentar a conta xustificativa da subvención, nos termos establecidos no artigo 19 da Ordenanza municipal de subvencións e a través da Sede Electrónica do Concello de Pontevedra (<http://sede.pontevedra.gal/>) ou en calquera das formas previstas no artigo 16.4 da Lei 39/2015, do 1 de outubro, do procedemento administrativo común das Administracións Públicas.

A data límite para a presentación da conta xustificativa será o 14 de setembro de 2018.

A presentación da conta xustificativa fóra do prazo establecido constitúe unha infracción leve, ao incumprir as obrigas establecidas na normativa reguladora das subvencións públicas, e dará lugar á imposición das sancións previstas legalmente.

O tipo de xustificación será o de conta xustificativa con achega de xustificantes de gasto, debendo de presentar a seguinte documentación:

- Memoria detallada da actividade subvencionada que deberá estar asinada.
- Xustificación documental do gasto: facturas ou demais documentos de valor probatorio equivalente.



- Un exemplar da documentación que acredite o financiamento da actividade polo Concello de Pontevedra (folletos, dípticos, carteis, etc.).
- Certificacións de estar ao corrente coa Tesourería Xeral da Seguridade Social, coa Axencia Estatal Tributaria e coa Consellería de Economía e Facenda.
- Relación total de ingresos da actividade subvencionada.
- Relación total de gastos da actividade subvencionada (con indicación das facturas ou dos documentos xustificativos do gasto).

As facturas xustificativas da subvención deberán cumprir os requisitos establecidos no Regulamento polo que se regulan as obrigas de facturación, aprobado polo Real Decreto 1619/2012, estarán datadas no período subvencionable e conterán o selo de pagado ou xustificación documental que acredite o seu pago.

A beneficiaria deberá achegar a xustificación documental do pago e, no caso de que esta non poida presentarse coa conta xustificativa, deberá de acreditarse o pagamento no prazo de 10 días dende o abono da subvención pola Tesourería Municipal, ao abeiro do establecido no artigo 18.2 da Ordenanza xeral de subvencións do Concello.


Así mesmo, segundo a Lei 7/2012 de 29 de outubro, non poderán pagarse en efectivo as operacións de importe igual ou superior a 2.500,00 €, polo que o pagamento destas operacións acreditarase co correspondente xustificante da transferencia bancaria.

#### OITAVA: VIXENCIA


O presente convenio de colaboración entrará en vigor no intre da súa sinatura e terá unha vixencia limitada ao presente exercicio.

Serán causas de extinción deste Convenio a realización do seu obxecto, a inviabilidade da realización da actuación pretendida por causas non imputables ás partes, así como o incumprimento total ou parcial de calquera das súas cláusulas, mediando neste caso denuncia previa das partes asinantes.


En proba de conformidade, as partes asinan este convenio no lugar e data ao principio indicados.

O alcalde  
  
Miguel A. Fernández Lores

A presidenta de Aula Castelao de Filosofía

  
Ana Ruth Regueira García

A secretaria accidental

  
Mª del Mar Lamoso Varela